

وارلىق

VARLIQ

Dil Edebiyat ve Kültür Arařtırmaları Dergisi
İkinci Dönem. İl: 3, Sayı: 11 (Bahar 2018), ss. 5-7
Telif Haqqı@Varlıq Dergisi

دوكتور ار آلپ آلیشیقین آردیندان

• محمدرضا هیئت

آلپ ار تونقا اولدو مو؟
ایسسیز آجون قالدی می؟
اؤدک اوجون آلدی می؟
ایمدی یورک بیر تیلور.



دوكتور جودت ار آلپ آلیشیق

درگیمیزین سایبیلارینین بیرینده (سای ۶-۵، گوز-قیش ۱۳۹۵) «پروفوسور دوكتور نژاد دیاربکیرلینین حیاتی و فعالیتلری» باشلیقلى مقاله سینى یابینلادیغیمیز دگرلى بیلیم و کولتور آدمى، ایستانبول یئدی تپه اونیورسیتەسى تورک دیلی و ادبیاتی اؤیرتمنلیگی بؤلومو باشقانی دوكتور ار آلپ جودت آلیشیق، بو ایلین فوریه آییندا قلب انفارکتوسو سونوجوندا آرامیزدان آیریلدی.

انسانلیغی، میلى حساسیتلری، تورکلوک اوغروندا مجادلەسى و

وطنه- میلته یاپدیغی خیدمتلری ایله اونو تانییانلارین قلبینده اوزونه یئر آچان و زامان ایچریسینده منه هم اوستاد، هم ده بؤیوک قارداش و حقیقی دوست حؤکومنده اولان چوخ سایغی دگر بیلیم و فیکیر آدمى دوكتور ار آلپ آلیشیق ایله ایلك دفعه آنکارا اونیورسیتەسى چاغداش تورک لهجه لری و ادبیاتلاری بؤلومونون پروفوسور دوكتور سما باروتجو اوز اوندیرین باشقانیغیندا هر ایل دوزنلەدیگی «چاغداش تورکلوک آراشتیرمالاری سمپوزیومو» ندا تانیشمیشدیق. تانیشمایزدا ایلك دقتیمی چکن اوزللیگی،

انتکیلهمیجی سس تونو ایله تورکجهنی سون درجه گۆزل دانیشماسی و قارشیسینداکی انسانی اوتاندیراجاق درجهده نزاكتلی و کییار جملهلر و ایفادهلر ایشتلمهسی ایدی.

دوکتور ارآلپ آلیشیق، تورکولوژی نین ان اؤنملی اوزمان و آراشدیرماحیلاریندان اولان پروفیسور دوکتور محرم ارگینین یانیندا یئتیشمیش و اونون آسیستانلیغینی یاپمیشدیر. دگرلی بیر تورکولوق اولان و حاضیردا مارمارا اونیورسیتیهسی تورکیات انستیتوسونون باشقانلیغینی یاپان انشی پروفیسور دوکتور گولشن سیحان آلیشیق دا محرم ارگینین باجیسی قیزی دیر. پروفیسور دوکتور گولشن سیحان آلیشیق داها اؤنجه توپلانتیلارین بیرینده رحمتلی دوکتور جواد هیئت بویوک بیر اؤگو ایله منیمله تانیشدیرمیش و محرم ارگین حوجانین یئگنی و یادگاری اولدوغونو ایفاده ائتمیشدی.

پنشه اولاراق تورکولوژی نی و گوروش اولاراق تورکچولویو حیاتی نین مرکزینه قویان دوکتور ارآلپ آلیشیق، عینی زاماندا نیهال آتسیزین دا معنوی وارثی سایلییر و اونا عاید بیر چوخ بلگه اونا امانت ائدلمیشدیر.

دوکتور ارآلپ آلیشیق آکادمیک حیاتی نین باشلاریندا محرم ارگینین توصیهسی ایله بیر دؤنم اینگیلترده تبریولی تورکولوق پروفیسور دوکتور تورخان گنجهای ایله چالیشمیشدیر. دوکتور جواد هیئت و دوکتور حمید نطق ایله بیرلیکده ایران دان تورکیهیه گؤندریلن ایلك بورسلو اویرنجی قروپوندا یئر آلان و تورکولوژی بؤلومونده اگیتیم آلان تورخان گنجهای نین شخصیتی، دنیا گوروشو و فعالیتلری حاقیندا بیلنمهین بیر چوخ شئی من دوکتور ارآلپ آلیشیق دان اویرندیم.

ارآلپ آلیشیق عینی زاماندا آنکارادا فعالیت گؤسترن چوخ اؤنملی آراشدیرما مرکز لریندن «کؤک سوسیال و استراتژیک آراشتیرمالار وفقی» نین قوروجولاریندان و یونهتیم قورولو اویملریندن اولوب وقفین آدی دا (کؤک) اونون اؤنریسی ایله سئچلمیشدیر.

گنریده بوراخدیغیمیز ایللر ایچریسینده چوخ واخت آنکارادا و بعضاً ایستانبولدا دوزلنن تورکولوژی توپلانتیلاریندا، توپلانتی اؤنجهسی و توپلانتی سونراسی گوروشملریمیز سایهسینده دوکتور ارآلپ آلیشیق داها چوخ تانیم فرستینه و شانسینا نائل اولدوم. او بعضاً بیر دیلچی، بعضاً تاریخچی، بعضاً سیاستچی و اولوسلار آراسی ایلیشکیلر اوزمانی، بعضاً بیر استراتژیست کیمی دگرلندیرمه یاپار و گلهجگه هپ اومودلو باخاردی. ایللرین تجروبهسی و بیریکیمی ایله گوجلو آنالیز قابلیتی، اونو دوستلاری و چئوره انسانلاری اوچون ان گوه نیلیر مشاور قونومونا گتیرمیشدی.

رحمتلی دوکتور ارآلپ آلیشیقین یوخاریدا ذکر ائدیگیم اؤزلیکلری، شخصاً تانیق اولدوغوم اؤزلیکلردی. آنجاق اونون اونیورسیتهدکی اویرنجیلری ایله مناسبتلری و اونلارین اوزرینده بوراخدیغی ائتکیلری آنجاق وفاتیندان سونرا قاتیلدیغیم جنازه و آنما تورهنلرینده، اوستادلاری ارآلپ حوجانین درس سیراسیندا سؤیلهدیگی آلتین دگریندهکی جملهلری ازیردن آنلاندیقلا رینی و اونون یولونو سوردوره جکلرینه آند ایچدیکلرینی، اؤز لرینه هم بیلمسل، هم ده اخلاقی آچیدان اؤرنک الدیقلا رینی گوردویوم زامان اویرنه بیلدیم و آنلادیم کی، اوستادیم و آقابگیم دوکتور ارآلپ آلیشیق آرمیزدان ارکن آیرلمیش اولسا دا، میلی و اخلاقی دگرلره صاحب اونلارچا بیلگیلی اویرنجی

يئتيشديرميش و معنوى ميراثينى اونلارا امانت اندهرك، اوچماق يولونو توتמוש و اونو
گوزلهين محرم ارگينين، نيهاال آتسيزين، جيهاد اوز اوندرين و جواد هيئت يانينا
گنتميشدير ■